

YÜNG NGÜ 61

1. Wu muru wu nu ebanda ta wu kabiliki ka uwu gbu biti ne baye?

-Ö biti koro la de ne fu uwu areke e ba kambu la gbu wu da wala wu ti fu uwu a ce su biringbo baka mingiti la.

2. Te muru wu nu la reke nja kambu la eyi la, fa a liki wu bakbiliki kaye gbugbu, muru wu nu la ena ra ndaye ne kaye?

-Muru wu nu la ena ra ndaye ta emingiti .

3. Muru wu nu la ena ra ndaye emingiti ne ka neh?

-Tekka abanda wu kabiliki te uwu de esambu la.

4. Te Yesu mala ta ga ni de mingiti kawu kabiliki ne, Yesu emala ta ga ne?

-Yesu emala ta ga ni de kaje te ni ena akuwa tete ka kpi ne.

5. Wu kabiliki ka Yesu de wu da?

-Wu kpara te uwu wu kpo ga wu sitingu ka ni ena akoro de kpi, fu uwu a i Yesu de akuwa ani ne.

6. Wu gara wu kpara emal ga wu mingiti te uwu enu kpaka me gbe, Da fanu?

-Abala de a de wu.

7. Mingiti kurumgba ka Noah egu tamu ngu fini teka Yesu ne baye?

-Bu baka ta te mingiti kurumgba ka Noah ta biringbo ne, Yesu de mingiti biringbo ka kuwa.

-Bu baka ta te wu kpara te uwu ri agbu kurumgba ka Noah te mingiti de biringbo la kuwa ne, wu kpara te uwu le ngu Yesu ena akuwa ka kpi kpa bala.

8. Muru zi te koro ndaye bu teka azi e, amoro de asiti ne de da?

-Ade Satana.

9. Yesu mala ta ga niele wu kabliki kaye fasu ni ena fu uwu ne neh?

-Yesu ga ni ti eyi akpi tengu uwu.

-Fu Lazaro, ta te di de awuba Yesu ne ta ati de keke, amgbu ta agbu Bethany.

Ni Tanga La Yona 11:1-6

1-Fu keke ta amere Lazaro. Amgbu ta agu Bethany, su ka wu Maria ake engu niye Marta.

2-Maria te engu nina Lazaro eke ne, atoko ta mu fu Yesu fa a furu lolo de njonjo ne eta ne maye.

3-Fu wu engu niyi na ta atima ngu fu Yesu ga, “Me, ungu te mu le fasu ne eke ake.”

4-Te Yesu je ta ngu la ne, fu Yesu amala ga, “keke la ti akoro de kpi de. Abala de, ateka wazi ka me teka de weuh gbo nga ye me tete.”

5-Yesu le ta Marta ake engu niyi ake Lazaro.

6-Te engu je ta ngu la tete ne, amgbu ta sela wu sikpi ‘bosu.

-Tekeke emere ta Lazaro ne, fu wu engu niyi na Maria ake Marta ta atima ngu fu Yesu, te emgbu tanengete ka Bethany.

-Yesu mala ta teka keke ka Lazaro ga ne?

-Yesu ga keke ka Lazaro lati akoro de kpi de, ana mere de wu wu wazi me tete.

-Te Yesu je ta ngu Lazaro ne, amgbu ta sela de siki ‘bosu.

-Ta te Yesu je ga Lazaro eke ne, Yesu nu ta kekere fu Lazaro de ne ka ne?

-Tengu Yesu le ta de wuh wu wazi ni baka me muru kuwa la.

-Yesu ti ta eyi areke Lazaro ne ngete?

-Weyi.

-Esidi, fu Yesu ta amala ngu fu wu matima kaye.

Ni Tanga La Yona 11:7-8 & 11-16

7-Fu Yesu amala fu wu matima kaye ga, “Ni du edu agbu Judea.”

8-“Enga Rabbi,” fu uwu ta amala ga, “wu Yuda le ta aso mu, mu le la fi adu kpala?”

11-Fu Yesu kpa amala fu uwu ga, “Lazaro awuba kani ti eyi de ra; manu kpala teka azuku engu.”

12-Fu wu matima kaka amala alugu ga, “me, tenengu ra la, ana areke.”

13-Yesu mgbu ta eyi amala ngu ka kpi kaka, wu matima kaka fu nda uwu ta ga zu ra.

14-Fa ta amal fu uwu mbolo ga, “Lazaro kpi eyi,

15-teka yi made tadu tengu ma ta kpala ma, teka de ye le. Ni nu enu kpaka ne.”

16-Fu Thomas (te wu i engu Didymus ne) amala fu wu buyi matima ga, “Ni nu kpa anu; teka de ni kpi akidi.”

-Ta te Yesu mala fu wu matima ga wuh du agbu Judea ne, wu matima ekpe ta curu ka neh?

-Tengu wu Yuda agbu Judea le ta aso Yesu kpala.

-Ta te Yesu mala kpa fu wu matima ga Lazaro kpi eyi ne, wu wu na uwu ta kpa de.

-Wu matima fi nda uwu ta ga Yesu eza anu kpala de wu Yuda moro ni de ni nu kani ake Lazaro.

-Yesu le ta amere bala nda de.

-E ta te mere ö wu Yesu ake wu matima kaye du agbu Bethany ne ne neh?

Ni Tanga La Yona 11:17-22

17-Te Yesu koro ne, Yesu maka ga Lazaro mere ta agbu mbuku eyi sikpi bala.

18-Bethany ta wu mile ‘bosu agbu Jerusalem,

19-bi wu kpara koro ta eyi kpaka wu Marta ake Maria teka kpi ka enga ni uwu.

20-Te Marta je ta ga Yesu te ekoro ne, fu engu ta anu eka a wu engu, Maria mgbu ndaye ta kpakiti.

21-“Me” fu Marta ta amala fu Yesu ga, “te mu ta sene la, de enga nira kpi ta de

22-ma wu kpo ga cici ne te mu yita Me teka e te mu le la ati eyi amere fu mu.”

-Enga niyi Lazaro, Marta, mala ta fu Yesu ga neh?

-Marta mala ta fu Yesu ga, te engu dita ladu la, de Lazaro kpi ta de.

-Marta fi ndaye ta ga te Yesu ta la du ö Lazaro ta la ezuku la, de Yesu reke ta engu eyi.

-Enga Yesu mala ta fu Marta a neh?

Ni Tanga La Yona 11:23-24

23-Fu Yesu amal fefe ga, “Enga ni nu ena azuku.”

24-Fu Marta amal alugu ga, “Ma wu kpo ga an aya gbu adu ra.”

-Yesu mala ta fu Marta ni ena azuku enga ni na agbu kpi.

-Marta wu ta kpo?

-Abala de.

-Marta fi ndaye ta ga Yesu ena azuku enga niye gbu adu ra.

-Dela ngu ta te Yesu emala?

-Abala de.

-Marta mala ta fu Yesu ga ni wu kpo ga Yesu ena azuku Lazaro agbu adu ra.

-Marta mala ta ngu adu ra ne gbugbu ta baye?

-Adu ra la ra te wu kpara te wu kpi eyi ena azuku ‘buru tete ne.

-Gbu adu ra la me ena azuku wu kpara te wu kpi eyi teka akolo mgbanga ka uwu.

-Gbu adu ra la, me ena akoro mgbanga ka uw siti ngu ‘buru te wu kpara mere fu koto.

-Yesu mala lugu ta fu Marta ga neh?

Ni Tanga La Yona 11:25a

25a-Fu Yesu amal fefe ga, “made ya agbu kpi de kuwa.

-Yesu mala ta fu Marta ga neh?

-Yesu mala ta ga ni de ya agbu kpi de kuwa.

-Yesu emala ta fu Marta ga Lazaro ti aci nga adura teka de azuku gbu kpi de.

-Lazaro ti ta aci nga adu ra teka azuku agbu kpi de ne ka neh?

-Tengu Yesu ta la kpala Yesu de ya agbu kpi de kuwa.

-Yesu ta de wazi teka auku wu kpara te uwu kpi eyi agbu kpi.

-Satana de wu dayemona kaye ti eyi azuku wu kpara ka kpi?

-Abala de.

-Wu Malayika ti eyi azuku wu kpara ka kpi?

-Abala de.

-Kpara te ti eyi azuku wu kpara ka kpi bu deda?

-Yesu te di de me.

-Enga Yesu mala ta fu Marta ga ne?

Ni Tanga La Yona 11:25b-26

25b-Fu Yesu amal ga, “kpara te le ngu ra la ana azuku, te aki la ana azuku;
26-kpara te di ezuku te ale ngu ra la ati akpi de. Mule ngula eyi?”

-Yesu mala ga te kpara le ngu ni la, te engu kpi la ana azuku.

-Kpara ena azuku ne baye te engu kpi eyi la?

-Yesu emala ta la ga ne?

-Yesu emala ta ga te kpara le ngu ni la, ati akpi fu me nda de, te kute uwu kpi la wu ti akpide.

-Yesu emal ta ga kpara te le ngu ni la, te kute wu kpi la kuru uwu ti akpi de ana nu agbu kpi.

-Enga Marta mala lugu ta fu Yesu ga ne?

Ni Tanga La Yona 11:27

27-“Weyi me,” Fu engu amala fefe ga, “ma le eyi ga mu de Christo, ye me, ta te ena akoro fu koto ne.”

-Marta le ta eyi ga Yesu de me muri kuwa?

-Weyi.

-Fu Marta ta a i enga ni ye Maria.

Ni Tanga La Yona 11:28-38

28-Fu tanga ta te engu mala ngu la ne, fu engu ta adu ye a i enga niye Maria edere su. “Murugu tamu ngu iyi dene,” fu engu amala ga, “agiri mu?”

29-Te Maria je ngu la ne, fa aya ye kere anu kpakaka.

30-Yesu ri ta la gbu su la de, ala ta fi te su te Marta maka engu te te ne.

31-Te wu Yuda ta te uwu di de wu Maria esambu la de amala zuka ngu fefe necika te engu ya kere akoro kpata nu ne, fu uwu ta afa nganga na, wu fi ga anu aku gba esa mbuku la.

32-Te Maria koro te su ta te Yesu di tete awu engu ne, fa ati te lolo amala ga, “me, te mu di ta sene la, de enga nira kpi ta de.”

33-Te Yesu wu ta engu de akugba ne, de wu Yuda te wu koro de uwu la kpa de aku gba ne, su reke ta tete de.

34-“Yi ö engu kaye?” Fa ayi tangu, “mukoro ekoro de mu cika muru,” fu uwu ta amala alugu.

35-Fu Yesu akugba.

36-Fu wu Yuda ta amala ga, “Yi cika la ale engu baye!:

37-Gara uwu mala ga, “kpara te e u ta ja wu kpara ti ta a fowo engu ka kpi de?”

38-Fu cinga ta kpa amere engu, yi koro kpa fu mbuku. Ata de go de mo ye agbu da te wu ni momo di.

-Yesu kuta gba te engu koro ta esa mbuku ne ka ne?

-Ka eta wu kpara ta ‘buru akugba ka cinga ne.

-Me de cinga ka ete wu siti ngu di fukoto ne.

-Me ta de cinga ka ete kpi na fukoto ne.

-Tengu eke te wu kpara la, fu su asiti ye ekule me.

-Te keke emere wu kpara la, fu cinga amere me.

-Dela ka ete me reke ta wu kpara, fa ale uwu ‘buru ne.

-Enga Yesu mala ta fu wu kpara la ga ne?

Ni Tanga La Yona 11:39-44

39-“Yi za teme la asidi,” fa ta amal fu uwu “enga, muru,” Fu Marta ta amala enga niye komoko te kpi ne, “Amere eyi wu siki bala

sese dene eyi esiti.”

40-Fu Yesu amal ga, “ma mala ta fumu ga te mu le la, mu na acika wazi me de?”

41-Fu uwu ta aza teme la asidi. Fu Yesu acika su kpati kpi fa amala ga, “Wuba, gbo nga e tengu mu je ra eyi.

42-Ma wu ta kpo ga mu emgbu aje ra, ma mala la teka wu kpara te wuh eru sene dene, teka de wu wu ga mu tima ra mumu.”

43-Fu tanga te engu mala ngu la eyi ne, fu Yesu a i e de ri ye kpatikpi ga, “Lazaro, mu koro kpa tanu!”

44-Fu komoko ta te kpi ne akoro kpatanu, d wu kpaye de lo ye ta te uwu ei de bango te ja yi. Fu Yesu amala fu uwu ga, “yi za kofuna la tele asidi de yi ce engu anu.”

-Yesu mere ta ne neh?

-Yesu ru ta emo mbuku fa amala ga Lazaro ya gbu kpi.

-Lazaro zuku ta eyi agbu kpi?

-Weyi.

-Yesu zuku ta Lazaro ne baye?

-Tengu Yesu reke riri ‘buru maye.

-Yesu le ta azuku Lazaro gbu kpi ne tengu ne?

-Tengu Yesu le ta de wu kpara ‘buru wu ga me de wazi fu kpi.

-Wu kpara mala ta ga ne te Yesu zuku Lazaro gbu kpi ne?

Ni Tengu La Yona 11:45-48

45-Fu bi wu Yuda ta te wu koro acika Maria ne, k te wu cika ta ngu te Yesu mere ne, fu uwu ta a ö le ngu ka uwu fefe:

46-Gara uwu nu ta kpaka wu pharisee amala ngu te Yesu mere ne fu uwu.

47-Fu wu chogboro wu Pastor de wu Pharisee ta a i biti wu Sanhedrin. “Ni mere ne neh?” Fu uwu ayi ta ngu “komoko ne e mere wu chogboro wu ngu ne.

48-Te ni ce engu de amere ngu la bala, wu kpara ena anu ‘buru fu tatanga ale engu, fu wu Roman akoro aza wu su kani de tö keni.’”

-Ka eta te Yesu zuku Lazaro gbu kpi ne, fu bi wu kpara ta awu de ale Yesu baka me muru kuwa.

-Ka eta te Yesu zuku Lazaro gbu kpi ne, fu wu gara wu kpara ta anu areke ngu teka a moro engu.

-Kpara ta te le amoro Yesu de de da?

-Wu chogboro wu Pastor de wu Pharisee.

-Kpara te te emala fu wu chogboro wu Pastor de wu Pharisee de wu moro Yesu ne de da?

-Ade Satana.

-Wu chogboro Pastor de wu Pharisee le ta amoro Yesu ne tengu ne?

-Ka eta te wu de wu siti wu kpara ne.

-Ka ete wu je ngu ka Satana wu je ngu ka Yesu de ne.

-Muna aje ndamu ngu ne esaka da? Esaka Satana wala esaka Yesu?